

eksudata, hronične kožne bolesti, malokrvnost, išijas, živčane bolesti, iznemoglost iza duže bolesti ili prekomjerna fizičkog i umnog napora itd.

Sumporni izvor Ilidže glasovit je sa svoje ljekovitosti. Ima toplinu od 57° C, termalna je voda bistra i bezbojna, a pogodna je ne samo za kupke nego i za piće u ljekovite svrhe.

Na rijeci Željeznici je lijepo prirodno kupalište sa žalom za sunčanje.

U neposrednoj blizini Ilidže leži privredna stanica Butmir gdje se svake godine za kupališne sezone priređuju konjske trke.

Ilidžu spaja sa Sarajevom lokalna željeznička pruga, na kojoj saobraćaju vozovi svakih 40 minuta. Osim toga redovit autobusni saobraćaj.

Izleti: na izvor Bosne i izvor Hrasnice (veoma krasan romantičan kraj), na planinu Igman (1248 m), na Bjelašnicu (2067 m), na Treskavicu (2100 m).

Sezona traje od 1 jula do 1 septembra, a rana sezona od 15 maja do 1 jula, kasna sezona od 1 septembra do 15 oktobra. U ranoj i kasnoj sezoni popust u cijenama.

Hoteli: Banovinski Hoteli »Srbija« i »Bosna«; činovnički lječilišni dom »Terapija«. Nekoliko privatnih hotela i ljetnikovaca.

Obavještenja: Uprava Lječilišta, Ilidža kod Sarajeva.

KISELJAK

Na obali rječice Lepenice, u priyatnoj dolini, leži najljepše i najčišće mjesto sarajevske okolice Kiseljak (470 m). Od Sarajeva je udaljeno 36 km, a od Visokog 13 km. Nalazi se na glavnom drumu, koji vodi od Sarajeva u sjevernu Bosnu. Okolica ovoga najstarijega bosanskog lječilišta veoma je romantična. Okolna brda Svjetnica, Kreševska Kosa i Stogić obiluju šumama, a iz njih izvire rječice Fojnica, Lepenica i Kreševčica. Kiseljak je omiljelo ljetovalište Sarajlija i poznato je još iz turskoga doba po velikom hanu, koji postoji još i danas,

*Banja
Bains - Bad
Kiseljak*

Foto Zem. muzej
Sarajevo